


日本漢文學百家集

王焱
編

102



北京燕山出版社



王焱 主編

日本漢文學百家集
102



北京燕山出版社

第一〇二册

鳳岡林先生全集 卷六十一至卷七十四 林鳳岡著 延享元年
……
一

鳳岡林先生全集卷之六十一

男 朝散大夫國子祭酒林信充士儔父 輯
詩部

七言絕句

信玄

僧衣表出鉄衣輕壯氣驍騰甲府營
逐鹿中原落誰手
嬾看越犬妄橫行

題肥侯藤拾遺紀行後

新詩有味不求工坐我西肥海路中
別後相逢如携手始知千里是同風

晉張融曰陸處無屋舟居居非水因題一絕
陸處何求握屋簷簷蓬聽閑味此中占舟居棲息知非
水海賦才高不道塩

頃間偶得如鉄帚者能州之産也撥灰之具
也假名之曰鉄拂獻之肥前侯伯固君君
參校諸圖有稱竹把者其形惟肖乃改名
鉄把且作一絶賜之諒是風流好事之一
端乎乃奉和其韻

冰談電話石爐間一會煖寒不識還王衍休誇手中
玉紅麟撥去白灰閑

笠間城主從四品拾遺因幡守本庄君有七十賀儀周防守牧野康重君作詩祝之孝志之深見于毫端乃和其韻以期壽域無

疆云爾

松竹林寒雪後天一家和氣秩賓筵靈椿壽色本根固誇說南華園裏仙

和村上城主吏部大卿源君等內立春倭歌
末字

殘臘已盡年未來爐談温温樂閑雅村上風雲香暗傳梅信早報春起也

除夜吟

一年年過老駸駸
二子起予遊藝林
今夜明朝無別
事不論世態見天心

紫梅初發

會 塾

不是冰霜玉骨清
休論桃杏奪朱英
爲花欲定江南
策紫氣雲高夾馬營

花迎劍佩

珠佩珊珊步步閑
瑞雲春暖半林間
青蛇影裡金鸞
動花氣風薰鷓鴣班

備州刺史小笠原兼山公遠寄剪綵花數品

奇麗清新殆逼本真千里厚情謝而有餘
乃和絕句韻以報芳惠

奪得化工如有神
菊梅石竹綠楓新
歐陽勸醉欲携
酒四序花開常是春

奉謝越中太守加藤君寄惠卧龍梅數枝

玉梅照水淨無瑕
枝認卧龍踈影斜
人去春來花不改
香風長是滿君家

龍

雲雨得心矯矯姿
神明妙用不能知
人間可悟行藏
理潛見躍飛各有時

虎

休問黃公在東海曾聞白額入南山文毛炳炳大人
變豈得管中窺一班

泗水春歌

仲春
釋菜

泗上波閑流水亨高歌暖響人雲清泮宮不遠采芹
藻一曲春風魯頌聲

或人得長柄古橋之材以作硯奩爲床上下之

珍可謂好事風流也自弘仁二年距今八
百八十七年其存者不亦異乎因賦一絕

爲其證

硯池移影問長良
瞻仰嗟峨文物昌
休道蟠橋今日
盡餘材千歲認遺芳

題筑波石 并引

法眼北村季吟叟
珍藏一盆石以筑波爲
其名依形之肖也
心足何論小大石亦山
也山亦石也筑波遠乎哉
在床頭而已因
賦一絕

山稱筑波跡已存
茂陰移影託蟠根
論形試欲辨眞
假石本無心又不言

菅神圖

樹樹松梅繞廟庭
神風吹度德惟馨
精誠示得天然色
紅者已紅青者青

和肥後羽林源君人日韻

世上春風車馬喧
閑中至樂涉前園
金花綵勝休誇美
柳遶城門梅滿樽

歸去來圖

僮僕歡迎稚子趨
輕舟風遠水雲孤
歸來不識宋天池
五柳門前松一株

和呈藤孟幹對花詩韻

憶昔花前共送迎
青山接影忍岡櫻
香風不管時糝

改隨客唯修深淺盟

携兒輩遊高田城主中大夫拾遺越智正通

君築地別莊請觀音堂拜先大人牌有感

世世功勳積善家春遊感舊思無邪先人遺愛垂慈
惠濺淚猶看小白花

紅白牡丹

野沂
席

錦房留得洛陽春白白紅紅錯雜新國色別知天降
種花如日月轉雙輪

仙桃醉春

窪川春
悅壽宴

天灼花開霞影分一樽延壽醉醺醺欲誇仙境春風

宴我國金桃重數斤

寄題勢州富山氏園庭所種富松樹

枝葉繁榮富可求
龍髯虬角勢難收
千年風色千金子
萬頃乾濤萬戶侯

雄德山松

百尺長松雲接隣
男山雖舊德惟新
銀濤漲起石清水
一曲風聲迎送神

水野隼人正園亭卽景

一曲棹歌夏日長
水雲欲霽送斜陽
清流遠入半天際
滴瀟作人間六月涼

嶽山夏雪

紅暑收威白地藏嶽山遠放六花光
寒風吹下上天賜散作人間羅雪香

男怱晒書千昌平坂掃蝨之暇寄一絕以寓

其志吟玩弗措乃和其韻

晒書秘魯古又知今四葉受傳同一心
莫比青檀遺舊物先人手澤卷中尋

題桃圖

祝宴

三千壽色自繁榮夭灼花開蕢實成
說與龜臺金母太移根東海約長生

題靜壽硯

寫出風花烟竹香
健毫倒影墨生光
靈池貯得蓬壺
水靜裏乾坤日月長

牽牛花

問花何以稱牽牛
蒼指銀河萬里流
昨夜天孫弄機
後藍裳染織一朝秋

八月十四夜

二七秋光玉桂薰
霧收烟散又無雲
天心只有惡盈
理人爲明霄期十分

中秋退 公而作

三五佳期月滿樓
瑞雲添色暮烟收
上天知有霓裳
曲帶得恩光祝萬秋

篁軒公和余中秋詩被示之吟賞有餘乃奉

和其韻

玉露侵衣百尺樓
月華一色彩星收
風雲變態人間
事千古晴光天上秋

謝藤伯固 并序

肥前拾遺藤君伯固在國之日遙寄淡把
姑一筍鮮麗纖滑其味甚佳其烟不啻考
之本草洞詮曰烟草也千里芳貺謝而有

餘乃和奉來詩以抒寸忱二首

淡把姑種託此草管中容約長生道誇說蓬嶋求藥
童何問商山采芝老

非雲非霧一烟草風月清遊不迷道真味能自仙家
傳長爲君子約偕老

兼山源君寄贈襟卷頭巾添以一絕防寒之
具坐春之備何物加之懇情可謝厚惠有
餘乃和芳韻以供莞粲云

不使寒威入我家帽巾襟卷轉頤斜因君欲乘蓬萊
去煎喫畏頭七碗茶